



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi: 54/18, 17/20 i 24/20), razmatrajući Informaciju o formiranju groblja na zemljištu Novog Bimeksa u stečaju, Skupština Brčko distrikta BiH na I nastavku 15. redovne sjednice održanom 10. novembra 2021. godine, donosi

ZAKLJUČAK

1. Daje se saglasnost Brčko distriktu BiH kao stečajnom vjerovniku da u postupku stečaja nad d.d. „Novi Bimeks“ Brčko - u stečaju, sudski broj: 960 St 091771 15 St putem zakonskog zastupnika otkupi dio imovine stečajnog dužnika na lokalitetu „Farma“, parcele označene kao K.Č. broj 939/1, u površini od 161m²+7191m², odnosno u ukupnoj površini od 7352m², dio K.Č. broj 940, u cijelosti odnosno u površini od 16090 m² i K.Č. broj 936/3, u cijelosti odnosno u površini od 6612m², po cijeni koju je odredila Direkcija za finansije Brčko distrikta BiH u ukupnom iznosu od **883.552,89 KM**, a koje nekretnine dijelom u naravi čine groblje a dijelom su planskim aktom predviđene u te svrhe, te su planskim aktom predviđene za izgradnju saobraćajnice.
2. Zadužuje se Kancelarija za upravljanje javnom imovinom da u roku od 90 dana, od dana zaprimanja zahtjeva, provede postupak raspolaganja specijalnom pogodbom imovinom Distrikta radi izgradnje groblja, na parcelama koje predstavljaju postojeće groblje i planirano groblje, osim dijelova parcela koje su predviđene za izgradnju infrastrukture i parcele namijenjene kao zona rada i industrije u skladu s prostorno-planskom dokumentacijom, te Gradonačelniku Brčko distrikta BiH dostavi u nacrtu prijedlog odluke o utvrđivanju javnog interesa koji će biti predložen Skupštini Brčko distrikta BiH.
3. Zadužuju se nadležna odjeljenja Vlade Brčko distrikta BiH da odmah nakon kupovine predmetnih parcela od strane stečajnog dužnika d. d. „Novi Bimeks“ Brčko, s ciljem provođenja postupka raspolaganja specijalnom pogodbom imovinom Distrikta radi izgradnje groblja, sarađuju s Kancelarijom za upravljanje javnom imovinom, s ciljem realizacije postupka, te izvrše potrebna snimanja parcela, cijepanje zemljišta kao i izvrše dostavljanje svih potrebnih podataka i informacija kako bi se navedeni postupak realizovao u roku iz člana 2 ovog zaključka.

4. Sastavni dio ovog zaključka čini skica postojećeg stanja i planiranog groblja od 20. 10. 2021. godine.

5. Ovim zaključkom stavlja se van snage Zaključak Skupštine, broj: 01-02-428/18 od 25. 07. 2018. godine i stav 3 Zaključka Skupštine Brčko distrikta BiH broj: 01-02-653/19 od 11. 09. 2019. godine.

Broj: 01-02-6108/21
Brčko, 10. 11. 2021. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Pravobranilaštvu Brčko distrikta BiH
- 5) Direkciji za finansije
- 6) Uredu za upravljanje javnom imovinom
- 7) Odjeljenju za javni registar
- 8) Odjeljenju za prostorno planiranje i imovinsko-pravne poslove
- 9) Sektoru za opće poslove i strateško planiranje
 - Odsjeku za opće poslove
- 10) Arhivi